

## **"Službeni glasnik BiH" broj: 58/09**

Na osnovu člana 27. stav 3. i člana 65. stav 2. Zakona o fitofarmaceutskim sredstvima Bosne i Hercegovine ("Službeni glasnik BiH", broj 49/04), i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Uprave Bosne i Hercegovine za zaštitu zdravlja bilja u saradnji sa nadležnim organima entiteta i Brčko Distrikta Bosne i Hercegovine, na 93. sjednici održanoj 2. jula 2009. godine, donosi

### **PRAVILNIK**

#### **O POSTUPKU SA ZALIHAMA SREDSTAVA ZA ZAŠTITU BILJA ČIJI SU PROMET I UPOTREBA ZABRANJENI**

##### **Član 1.**

(Predmet)

Ovim Pravilnikom se propisuje postupak odlaganja zaliha sredstava za zaštitu bilja, odnosno fitofarmaceutskih sredstava (u daljnjem tekstu: sredstva), kojima je zabranjen promet zbog isteka važenja rješenja o registraciji ili zbog toga što sadrže aktivne supstance kojima je zabranjena registracija, proizvodnja, uvoz i upotreba u Bosni i Hercegovini ili zbog isteka roka upotrebe i/ili su izrečene druge konačne i izvršne zabrane u skladu sa posebnim propisom.

##### **Član 2.**

(Obaveze subjekata)

- (1) Pravna i fizička lica (u daljnjem tekstu: subjekti) koja posjeduju sredstva iz člana 1. ovog Pravilnika obavezna su ista predati pravnom licu koje se bavi zbrinjavanjem i izvozom opasnog otpada i koje ima dozvolu nadležnog organa za okoliš entiteta i Brčko Distrikta Bosne i Hercegovine za obavljanje navedene djelatnosti.
- (2) Obaveza iz stava (1) ovog člana odnosi se na sredstva zatečena na zalihama van prometa i sredstva zatečena u prometu.
- (3) Subjekti mogu predati sredstva samoinicijativno.
- (4) Za sva sredstva koja subjekti ne predaju samoinicijativno, nadležni inspektor će rješenjem narediti da se ista predaju pravnom licu iz stava (1) ovog člana.

##### **Član 3.**

(Postupak sa zatečenim zabranjenim sredstvima)

- (1) Ukoliko subjekt ne preda sredstva ili ista ne preda u roku koji je određen rješenjem nadležnog inspektora kaznit će se za prekršaj novčanom kaznom propisanom Zakonima o inspekciji entiteta i Brčko Distrikta.
- (2) U slučaju iz stava (1) ovog člana, nadležni inspektor će sredstva oduzeti i predati pravnom licu iz člana 2. stav (1) ovog Pravilnika.
- (3) Troškove nastale predajom, oduzimanjem, transportom i skladištenjem snosi subjekt koji je vlasnik sredstava, odnosno kod koga su sredstva zatečena u prometu.
- (4) Pravno lice iz člana 2. stav (1) obavezno je preuzeti sve količine sredstava, o čemu obavezno izdaje potvrdu koja mora sadržati podatke o subjektu ili licu koje je predalo sredstva, naziv sredstava, formulaciju, količinu i pakiranje istih.

##### **Član 4.**

(Nadzor)

Inspekcijски nadzor nad primjenom ovog Pravilnika provode nadležna entitetska i tijela Brčko Distrikta Bosne i Hercegovine, posredstvom nadležnih inspekcijских službi.

##### **Član 5.**

(Stupanje na snagu)

Ovaj Pravilnik stupa na snagu osmog dana od dana objavljivanja u "Službenom glasniku BiH".

VM broj 159/09

2. jula 2009. godine, Sarajevo